



父間長兄貢士公又及識先大父尚書余於處士故當以前輩事之其孫夢斗肄業紫陽書院間以處士屬續所作如夢令見示人或謂其牢把柁之句為處士奉身行已操持不懈兢兢戰戰死而後已者余竊以為訪戴之事見處士了於死生之大節直若跛弄焉耳生也乘輿而來死也盡興而返靡有一毫繫着之累敬歎敬歎世寧有斯人耶夢斗年少有文聲貢士公齋志以沒處士卒老山林其積德之報當在後人也

放意山水乃築室環谷山中精刻六經之奧貫
穿諸子下及百家之書皆求其指歸性孝友廉
介聲望藹于鄉里賢士大夫莫不敬且愛部刺
史或訪焉則以編氓辭緣是高其行亟覬輒不
受邑大夫造廬請益不獲已則見端平改紀群
賢聚于朝參政真公德秀欲薦之不果喜爲
詩尤邃於文多不畜藁故罕得其全編每以夫
子之道得曾子而傳遂傳子思子思傳之孟子
而二子言行雜見諸書學者憾不得其全處微

裒集成部帙嘉熙元年夏屬疾垂亡作小詞以
舟自况有把柁更湏牢之句竊謂其奉身尊已
兢兢戰戰死而後已者也平生有詩云老矣不
堪持手板死時何用覆斜衾亦可想其為人矣
既沒邑令李公遇率父老人士誄其行私謚曰
康範先生子燾黜皆應士舉

從表姪儒林郎嚴州觀察支使胡杓撰

跋績溪汪處士屬續所賦如夢令詞後

績溪汪處士前輩古君子也其兄弟皆交余諸

行垂範模於百世

宋汪先生世家

汪先生名晫字處微以字行績溪人其先即唐越國公華今為忠顯廟神績溪汪氏皆華後裔處微世居邑之城西好禮坊國初有名戩者以長者聞自邑達淮泗至於東都皆知名於處微為七世祖戩之元孫激三貢於鄉以南廊恩授文學有王淑者貧常給事書齋見激所為文亦竊為之多有警策句汪氏祖父參軍宗臣公就

教之嘉祐二年淑與激同試禮部實蘇魯登第之年淑亦登第名偶在曾鞏上淑嘗語人曰我壓得曾子固後汪氏有門生詩云歆似君家老王淑敢將狂語報參軍元豐末蘇公轍高安酒官移宰績溪與激交遊甚厚題其家別墅詩并所與從兄監簿公深詩並見集中谷激手翰葺汪氏處微以激為曾祖再傳襲儒業不衰紹興三十二年處微生幼嗜學從同郡直閣汪公文振為舉業與兄暘皆以文稱開禧間即棄所習

咳唾間平生著述有曾子子思子二卷為全書
他文未成集娶胡氏即先葬環谷者至是奉君
柩而合兆焉是為良安鄉杭村之原時嘉熙己
亥四月十一日也男子四人長開蚤世次即燾
也次點俱業儒季然亦蚤世女一人未及嫁而
亡孫男三人寅啓權午竊惟清而不激和而不
流昔張君嶠以稱邵堯夫清不絕物和不失己
今李公遇以稱吾處微父如稱堯夫夫誰曰不
宜午祝氏之館甥也援是則於君家嘗有一日
之雅今又獲讀君行編而知諸公之推許者若
是其與荀淑戴良郭林宗輩之於黃叔度何以
異使午得為君傳亦必述李公之辭贊之今姑
即以為銘銘曰

夷清惠和俱聖之儔隘與不恭豈聖未優去
就若殊望望由由聞風者與天地同流吾處
微父淵乎其似清不絕物和不失己奚獨堯
夫之不激不流真有若夷惠之廉頑寬鄙故
生也安貧樂道能康濟乎一身沒兮樹石表

李公之在邑也政有所不通事有所可疑多咨
決於君至公退餘間又未嘗不詩酒相唱酬也
後君寢疾李公入問君咸無所屬賦如夢令一
闕而逝時嘉熙丁酉四月二十有六日得年七
十有六里人追哀而聚哭之李公率僚屬致祭
又為之誄稱君清不絕物和不失已咸以為知
言噫若處微父可不謂之有道之士乎汪氏為
吾州著姓派實本英濟王績溪則王所毓之地
故支屬尤蕃大惟王生有德於民此天所以啓
佑其後使世以儒學名家君之曾大父激三拔
鄉薦以南廊恩授文學元豐間黃門蘇文定公
為邑宰與之遊甚相得娶古靈陳氏太父大中
娶崔氏繼大梁孟氏淳熙慶恩封太孺人父三
錫本伯氏安中季子祝氏所生文中命以為嗣
祝氏於徽國朱文公母夫人為諸姑三錫娶葛
氏繼滕氏章敏公曾孫女君滕出也既生有淑
質復得二三外家休光餘慶照映沾丐故學行
風節端確淳明如此君為文多偉傑吟詩率成

餘喜於脩蒔望花隨柳四時吟不足處家尚雍
肅曾無疾聲遽色奉先務嚴潔靡有慢心惰容
墳墓有侵伐必禁族姻有慶吊必赴以孝悌姻
睦訓家之子弟以忠信篤敬詔里之後生急難
相求者援之顛連無告者卹之解無益之忿爭
扶歆破之義役凡利可興害可除者無不盡其
情由是德意薰陶里俗丕變人至不犯於有司
誠心貫通水旱祈禳神亦無禱而不格是豈僥
倖於一旦者哉年逾六十學益老道益充深有

得於孟子養氣之旨復於先廬葺堂榜以善養
而扁之胸中浩然者可想也給事袁公甫守徽
日雅聞君名至紹定間持江東常平節一路大
侵君獨能爲鄉邑區畫勸分貧富得所袁公行
部造門求見君以編氓辭袁公歎息而去更歆
狀其事以聞諸朝君又謝不可參政真文忠
公德秀亦久知君端平甲午秘監李公遇宰是
邑真公屬求言行之實將以名氏薦未及剡而
真公薨人莫不爲君抱憾君則曰天知我厚矣

也國史且宜傳如之何不銘乃即其門人所狀
及年所知者叙之君名暉處微其字以紹興壬
午歲二月二十二日生少長風貌魁梧儀槩凝
重已不類凡兒九歲即遭父喪哀慕如成人事
毋以孝聞尚遠事其大毋群從兄弟且同居承
順篤睦家庭無間言里黨翕稱之從鄉達直閣
汪公文振學蔚有文聲力慕高遠凡國治官政
民俗靡不究期為有用之學也慶元癸亥會其
長兄暘以五舉得官竟不受以死君即感傷無

用世意至開禧丁卯猶覓舉闕下時方用兵事
日異復慨嘆曰是尚可求仕也歟哉不就舉而
歸盡棄所業脩然不以名第介意嘉定壬申元
妃胡氏亡手營一丘縣南五里許山如玉環因
想唐人盤谷之趣結廬其中名曰環谷更作堂
以靜觀扁之取明道程子萬物靜觀皆自得詩
意自非疾忌無日不徜徉於斯君時年五十既
不事科舉即取六經諸子研精覃思窮理盡性
求所謂自得者安於貧約飯藿羹藜一飽欣有

德之幽光則有李公之誄在謹狀

嘉熙二年十月三日門人鄉貢進士唐廷瑞狀

宋處士汪君處微父墓碣銘

朝議大夫新除起居郎兼國史院編脩官兼

實錄院檢討官同郡呂午撰

朝散郎權知徽州軍務兼管內勸農營田事

宛陵饒虎臣書丹

承議郎行太學博士同郡程元鳳篆蓋

淳祐四年夏午叨除柱史七月朔日鄉之處士

汪君處微父之子燾不憚老火數百里來訪于
京懇懇致辭曰燾不天先君子棄諸孤八年矣
昔有窀穸事嚴未克乞文納諸壙不孝之罪無
以自贖今子秉史筆敢疾馳再拜求墓道之銘
庶俾潛幽賴以不泯不則截而不得記猶不葬
也一念純孝令人感動詎可無以塞其請矧處
微父之賢午諗聞習敬之其學術行誼足以防
範名教其典刑風流足以標表區宇此漢文苑
逸民唐卓行孝友所傳之儔而所謂有道之士

疏果肴羞皆有常品每祭未嘗敢缺率家人行禮無敢不敬每見先世遺跡必有慘容群從子弟中有伐丘墓者泣而止之撫姻族吉凶慶吊有恩家雖貧窶處之澹如畧無戚容藜藿食布衣帛冠曾不顧也愛植花卉以灌園自適不求人知而田里童穉婦女無不知其名作詩多有妙句為諸公所稱其雜著與所編諸書皆未果論次娶胡氏同邑石門人先二十有六年卒子男四人長開蚤世次燾次點俱業儒季然亦

蚤世女一人未嫁而亡孫男三人寅弱冠啟權尚幼燾等將以來年四月二十有一日奉先生匱窆于環谷之壽巖與胡氏同兆從治命也先事請廷瑞為事狀以可銘于當世立言之君子廷瑞後生晚輩自先叔外祖朱德脩父與先生交契良厚遂得拜先生牀下辱收而教之館穀先生家者今且二十年知先生行事不可謂不詳固不敢以鄙陋辭而涕泗橫流不禁幾不能執筆姑摭其實著于右若其鋪張揚厲以發潛

之心既謝科場高蹈丘園卷而藏之聲聞益著
其居家處鄉曲風流典刑猶足以風動四方薰
陶一世幼遭父喪甫九歲哀慕如成人時大母
孟氏無恙從兄弟八人聚居先生恭兄友弟極
其至事大母及其母以孝稱事同居諸母亦盡
其敬鄉貢君蚤世先生經理其私撫其孤而婚
嫁之及人口繁衆諸房議分田園器皿孳畜惟
諸房擇而取之所不取者先生受之而已內行
充實人已知加敬待鄉人猶篤厚與鄉之後生

言必依孝悌忠信死無力葬者爲營辦之飢凍
者衣食之憊愚者不倦訓誨之急難求赴愬者
救護之鬪訟不決先生一言譬曉分解釋然至
不忍爭者水旱之災民不堪命得先生爲之禱
潦則宿雲開霽暎則甘霖滂沛積誠通於神明
有義役者不逞欲破壞之先生一力扶持蹈禍
機不少沮恤窮賑荒規模尤整嚴使其一日得
用共帝命而立人彞厥功茂矣家庭雍肅閨門
禮法相先燕居無疾聲遽色時節事先極其豐

老常之居給事袁公甫為徽守日雅聞先生名紹
定間持江東常平節一路大侵先生為一畫策
勸分貧富安之袁公行部廉得其事持刺造門
求見竟以編民辭袁公歎惜而去即以勸分事
併狀其節槩聞於朝乞甄錄先生力懇縣令止
之叅政西山真公久敬先生而不相識端平甲
午今察院李公遇來為宰西山屬之求先生言
行之實以逸民論薦封藁示李公不幸西山薨
背未及上李公在邑事必咨於先生倡和尤多

嘉熙改元丁酉歲先生七十有六病以死矣寢
疾李公親問醫藥請所屬曰咸無之賦小詞如
夢令以舟自况有把柁更須牢無礙無礙匹似
子猷訪戴之句盥手整衣衾奄然而逝實四月
二十有六也邑人聚哭甚哀醮金為仙佛供者
無數李公率屬致祭及合三老士人會于學宮
誄其行私謚曰康範先生先生不為章句文辭
之學而才具周密識見幽邃方有志斯世時於
國治官政民俗靡不究議論風生未嘗無及物

父長兄暘有雋才嘗領鄉薦習周六典與同郡直閣汪公文振同師其後鄉貢君招致以教諸弟先生從汪公學日誦數千言耳目所過不復忘為舉文每一篇出同舍生多不及侷儻有大志甚期用於斯世慶元癸亥鄉貢君以五舉得官不受卒以死先生曰吾兄止此如吾何開禧丁卯先生猶覓舉闕下時方用兵事日異因客邸中重午有感賦小詞慨然曰是尚可求仕也歟哉即歸不應舉因此遂棄舉文翛然無世累

不以名第介意鄉人高仰而欽慕之嘉定壬申年方五十元妃胡氏卒手營一丘縣南五里山如碧玉環慕李愿盤谷之趣結屋其中名曰環谷作堂以靜觀名之取程子萬物靜觀皆自得之語賦詩十絕以見志屋成無日不徜徉泉石間樵夫耕叟漁人牧豎皆能與之接慇懃見者指為神仙人自非疾忌未嘗不在谷中時者年逾六十風雨寒暑不遠出作堂先廬名曰善養自謂有得於孟子養氣之旨大書此章於屏既

黔婁篤倫勵俗範如太丘恭惟先生母作神羞
千載重泉二子與游嗚呼哀哉

績溪縣令長樂李遇撰

康範先生行狀

維汪氏之先自魯成公支子食采於汪子孫因
氏焉漢龍驤將軍文和渡江居于越新安之汪
自越而遷今徽之神曰顯靈英濟王唐初以忠
受知高祖封越國公實績溪人故績溪汪氏爲
允盛蔓于我 宋俱以儒世其家先生名暉字

處微曾大父激三請鄉薦以南廊恩授文學嘗
游黃門蘇文定公門家藏蘇公手澤猶存曾大
母古靈陳氏大父文中雁宣和睦寇之禍避地
和州賊平歸立家於兵火餘雖窘匱貧若不能
自給而解衣推食以濟鄉人猶如平昔有陰德
家復以興大母崔氏繼孟氏淳熙慶恩封太孺
人制所謂德足永年孫嘗論秀是也父三錫母
葛氏滕氏滕蓋吳中少師章敏公會孫女先生
滕出也紹興壬午二月二十有二日生夙喪其

不試歸休山林婆娑丘園有聞無聲懷寶獨高
終全吾真暮年平實精切六經浩然之氣老而
愈清德成教尊化薰毗鄰草廬名高紹定端平
嗚呼哀哉孝友之行著于州閭廉介之節聞于
寰區涕唾利祿寧食無魚弊屣富貴寧出無車
即家爲政沛然有餘卷而裁之莫知設施閭閻
雍雍黃冠布衣自作長歌自賦小詩刺史存訪
從臣削書視之如無歸於太虛故在鄉里貴不
以言者蕭然朝廷比尊飯糗茹草肉食同甘

衫衣鼓琴韶濩相歡僅如之朴珮玉珊瑚家人
忘貧對客無慚惟餘高名暎燭兩間先生之風
誰其可攀嗚呼哀哉績溪之陔山高水長木潤
玉在淵媚珠蔽嗚呼其萎我心隱傷街啼巷泣
門爐置香士哭于學農哀于田惠利莫忘棺僅
周身垢衾濯裳祭惟薦誠一肉壺漿有藁五車
有詩千章學傳後人萬古彌光嗚呼哀哉人誰
不歿樂哉斯丘此谷如環芬芳九幽名以謚顯
綴于旒旒誅無愧辭非余實優窮居樂善康如

生嘗歆薦君逸民封彙示遇會春闈竣事即下
世不果上為君惜之君曰天知我厚矣嗚呼哀
哉遇之所得於目覩者如此君生平學術行誼
如此遇既作文祭君退與僚佐率三老合邑之
人士凡一百三十五人會于學宮遇曰 令甲
有高蹈丘園德誼著于鄉里雖官品不及聽奏
賜謚遇子男之國不獲以聞蓋自王仲淹門人
誅其行而謚之名以謚顯今不得於朝而可無
誅乎盍相與私謚之衆謹曰然以君之學術行
誼有似乎黔婁太丘也請移其謚謚之曰康

先生嗚呼哀哉乃為之誄曰

英英烈祖維唐越公民思其仁天旌其忠績溪
一葉實亢爾宗歷于五閏其人如龍昌于景祐
盛于熙豐儒素之緒穆如清風南渡以來書聲
益雄曰此國公福澤靡窮嗚呼哀哉備矣先生
身在乾淳少有其志負荷乾坤兩手經濟邦人
儀刑源流外家古靈考亭見之於用俗當返醇
天命民彝是勅是循長遭開禧廟謨用兵甘於

其處士汪君之謂乎遇得邑之初即聞君爲先生長者既至邑得君之賢過於所聞遇執幣行弟子禮不可猶心師之邑事少間花晨月夕未嘗不詩酒相倡酬每見君起敬肅然見其民少有不干有司者不以得杖公庭爲恥而以不見禮於君爲終身羞辱甚似王彥方名教風化賴君陰助今已矣嗚呼哀哉君名暉字處微世爲績溪人曾大父文學君登藥城蘇文定公門又娶于古靈陳氏皇考府君與考亭朱文公同外家

君事母孝兄弟友義財穀不相較家雖窶而於死恤孤賑荒拯弱視其力可爲則爲之時節祭其先烹滌必親饋奠必敬丘墓所在戒無侵犯喜獎進後學仕其邦者有事輒造問焉剖拆無隱暮年益肆力六籍有得於養氣之論胸中浩然也其居蕭然環堵如入蜀君平之廬其人貌莊而氣和志寬而言約如見圖南堯夫操履純固制行高潔則如仲車議論人物如郭林宗蔚而文爲詩如君復信乎有道之士也西山真先

西園康範先生實錄

宋汪處士誄

維嘉熙元年丁酉歲四月丁未宋故處士新安
環谷汪君卒嗚呼哀哉世之公卿大夫品秩非
不高名位非不崇其見稱於鄉曲者鮮矣求其
彌綸八政脩和九叙有功國家亦不多見若夫
德成家庭教尊州閭雖高蹈丘園而所以範彛
倫勵風俗者乃隱然有補於治夫子曰惟孝友
于兄弟施於有政是亦爲政所謂貴不以爵也

